

BIBLIOTEKA
Zakł. Nar. im. Ossolińskich
XVIII 29471



BIBLIOTEKA
Zakł. Nar. im. Ossolińskich
XVIII 29471

MISSÆ
DEFUNCTORUM,
JUXTA USUM
ECCLESIAE ROMANÆ
CUM ORDINE ET CANONE
EXTENSÆ,



WRATISLAVIÆ
Typis Academicis Collegii Societatis JESU
ANNO M.DCC.XXVII.

6.000

MISSE
DEFUNCTORUM
IUXTA USUM
ECCLLESIAE ROMANAE
CUM ORDINE ET CANONE
EX TENSA



XVIII-29471



1985-K-4737

ORDO MISSÆ PRO DEFUNCTIS.

Sacerdos paratus cum ingreditur ad Altare, factâ illi debita reverentia signat se signo Crucis à fronte ad pectus, & clara voce dicit:

IN nómine Patris, & Filii, & Spiritûs sancti, Amen.

Deinde junctis manibus ante pectus, incipit Antiphonam, Introitus ad Altare Dei.

Ministri respondent, Ad Deum qui lætificat juventutem meam.

Signat se dicens *ψ*. Adjutorium nostrum in nómine Dómini. *R.* Qui fecit cœlum & terram.

Deinde junctis manibus profunde inclinatus facit Confessionem.

Confiteor Deo omnipotenti, beátæ Mariæ semper Virgini, beáto Michaéli Archángelo, beáto Joánni Baptístæ, sanctis Apóstolis Petro & Paulo, omnibus Sanctis, & vobis fratres: quia peccavi nimis cogitatione, verbo, & opere: **Percutit sibi pectus ter, dicens:** mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem

Baptístam, sanctos Apóstolos Petrum & Paulum, omnes Sanctos, & vos fratres, orâre pro me ad Dóminum Deum nostrum.

Ministri respondent:

Misereâtur tui omnipotens DEUS, & dimissis peccâti tuis, perdûcat te ad vitam æternam.

Sacerdos dicit: Amen. Et erigit se.

Deinde ministri repetunt Confessionem: & ubi à Sacerdote dicebatur, vobis fratres, & vos fratres, à ministris dicitur, tibi Pater & te Pater.

Postea Sacerdos junctis manibus facit absolutionem dicens:

Misereâtur vestri omnipotens DEUS, & dimissis peccâti vestris, perdûcat vos ad vitam æternam. *R.* Amen.

Signat se signo Crucis, dicens:

Indulgéntiam, absolutiõnem, & remissionem peccatõrum nostrõrum, tribuat nobis omnipotens & misericors Dóminus. *R.* Amen.

Et inclinatus prosequitur *ψ.*
DEUS tu conversus vivificabis nos.
Resp. Et plebs tua lætabitur in te.

ψ. Ostende nobis Dómine misericórdiam tuam. *R.* Et salutáre tuum da nobis.

ψ. Dómine exáudi oratióem meam.
R. Et clamor meus ad te véniat.

ψ. Dóminus vobíscum. *R.* Et cum spírítu tuo.

Et extendens ac jungens manus, clara voce dicit: Orémus. & ascendens ad Altare, dicit secretò:

Aufer à nobis, quæsumus Dómine, iniquitátes nostras: ut ad Sancta Sanctórum puris mereámur méntibus introíre. Per Christum Dóminum nostrum. Amen.

Deinde manibus junctis super Altare, inclinatus dicit:

Orámus te Dómine per mérita Sanctórum tuórum, *Osculatur Altare in medio*, quorum reliquiæ híc sunt, & ómnium Sanctórum: ut indulgére dignéris ómnia peccáta mea. Amen.

Deinde celebrans signans librum signo Crucis incipit Introitum: quo finito, junctis manibus alternatim cum ministris dicit:

Kyrie eléison. Kyrie eléison. Kyrie eléison. **C**hriste eléison. **C**hriste eléison. **C**hriste eléison. **C**hriste eléison.

son. **K**yrie eléison. Kyrie eléison. Kyrie eléison.

Deinde osculatur Altare in medio, & versus ad populum dicit. ψ. Dóminus vobíscum. *R.* Et cum spírítu tuo. *Postea dicit: Orémus. & Orationes, unam aut plures, ut ordo Missæ postulat: sequitur epístola, graduale, tractus, cum verlu aut sequentia, ut tempus postulat.*

Deinde delato Missali ad cornu Evangelii, inclinatus in medio, junctis manibus dicit:

Munda cor meum, ac lábia mea, omnipotens DEUS, qui lábia Isaiæ Prophætæ cálculo mundásti igníto: ita me tua grata miseratióne dignáre mundáre, ut sanctum Evangelium tuum dignè váleam nuntiáre. Per Christum Dóminum nostrum. Amen.

Deinde conversus ad librum, junctis manibus dicit ψ. Dóminus vobíscum. *R.* Et cum spírítu tuo. *& pronuntians, Sequéntia sancti Evangelii secúndum Joánnem; pollice dextræ manús signat librum in principio Evangelii, quod lecturus est; deinde se in fronte, ore, & pectore; & respondetur, Glória tibi Dómine: & legit Evangelium: quo finito, respondet minister, Laus tibi Christe: & immediatè osculatur Altare, & versus ad populum dicit ψ.* Dóminus vobíscum. *R.* Et cum spírítu tuo. *Postea dicit Orémus, & Offertorium. Quo dicto, accipit patenam cum Hostia, quam offerens, dicit:*

Suscipe

Suscipe sancte Pater, omnipotens ætérne Deus, hanc immaculatam Hóstiám, quam ego indignus fámulus tuus offero tibi Deo meo vivo & vero, pro innumerabilibus peccátis & offensionibus & negligentis meis, & pro ómnibus circumstantibus, sed & pro ómnibus fidelibus Christianis vivis atque defunctis: ut mihi & illis proficiat ad salutem in vitam ætérnam. Amen.

Deinde faciens crucem cum eadem patena, deponit Hostiam super corporale. Et mittens vinum in Calicem, & aquam non benedicens, dicit:

DEUS, qui humanæ substantiæ dignitatem mirabiliter condidisti; & mirabilius reformásti: da nobis per hujus aquæ & vini mystérium, ejus divinitatis esse cósortes, qui humanitatis nostræ fieri dignátus est párticeps, JESUS Christus Fílius tuus Dóminus noster: Qui tecum vivit, & regnat in unitáte Spírítus sancti DEUS, per omnia sæcula sæculórum. Amen.

Postea accipit Calicem, & offert, dicens:

Offerimus tibi Dómine cálicem salutáris, tuam deprecántes cleméntiam: ut in conspéctu divínæ Majestátis tuæ, pro nostra & totius mundi salutem cum odóre suavitátis ascendat. Amen.

Deinde facit signum Crucis cum Calice, & illum ponit super corporale, & pallá cooperit: tum junctis manibus super Altare, aliquantulum inclinatus dicit:

In spírítu humilitátis, & in ánimo contríto suscipiámur à te Dómine: & sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas jungens, elevatis ad cælum oculis, & statim demissis, dicit:

Veni Sanctificátor omnipotens ætérne Deus: **Benedicit oblata, prosequendo, & béne dicit hoc sacrificium tuo sancto nómini præparátum.**

Deinde Sacerdos lavat manus, dicens:

Lavabo inter innocéntes manus meas: & circumdabo altáre tuum Dómine:

Ut áudiam vocem laudis: & enárrem univérsla mirabilia tua.

A 3

Dómine

Domine diléxi decorem domus tuæ, & locum habitationis gloriæ tuæ.

Nè perdas cum impiis animam meam : & cum viris sanguinum vitam meam.

In quorum manibus iniquitates sunt : dextera eorum repléta est munéribus.

Ego autem in innocentia mea ingressus sum : redime me, & miserere mei.

Pes meus stetit in directo : in Ecclesiis benedicam te Domine.

Non dicitur Gloria Patri.

Deinde aliquantulum inclinatus in medio Altaris, junctis manibus super eo, dicit :

Suscipe sancta Trinitas hanc oblationem, quam tibi offerimus ob memoriam Passiõnis, Resurrectiõnis, & Ascensiõnis JESU Christi Domini nostri : & in honore beatæ Mariæ semper Virginis, & beati Joannis Baptistæ, & sanctõrum Apostolorum Petri & Pauli, & istõrum, & omnium Sanctõrum : ut illis proficiat ad honorem, nobis autem ad salutem : & illi pro nobis intercedere dignentur in cœlis, quorum memoriam agimus in

terris. Per eundem Christum Dominum nostrum. Amen.

Postea osculatur Altare, & versus ad populum, extendens & jungens manus, voce paululum elevata dicit :

Orâte fratres : ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent : alioquin ipsemet Sacerdos :

Suscipiat Dominus hoc sacrificium de manibus tuis (vel meis) ad laudem & gloriam nominis sui, ad utilitatem quoque nostram, totiusque Ecclesiæ suæ sanctæ. **Sacerdos submissa voce dicit.** Amen.

Deinde manibus extensis absolute sine Oremus, subjungit Orationes secretas. Quibus finitis, cum pervenerit ad conclusionem, clara voce dicit : Per omnia sæcula sæculõrum. cum Præfatione sequenti. Præfatio incipitur ambabus manibus positis hinc inde super Altare : quas aliquantulum elevat, cum dicit : Sursum corda. Jungit eas ante pectus, & caput inclinat, cum dicit : Grâti as agamus Domino Deo nostro. Deinde disjungit manus, & disjunctas tenet usque ad finem Præfationis : qua finita, iterum jungit eas, & inclinatus dicit : Sanctus. Et cum dicit : Benedictus, qui

venit ;

venit ; signum Crucis sibi producit à fronte ad pectus.



Domi no De o no stro.



P Er omnia sæcula sæ



R. Dignum & justum est.



cu lo rum. **R.** Amen.



Verè dignum & justum



y. Dominus vo bis cum.




est, æquum & salu ta re,



R. Et cum spiri tu tu o.



nos ti bi semper, & ubi



Sur sum cor da.



que grâti as a gere : Domi



R. Habemus ad Do mi num.



ne san cte, Pater omni potens,



y. Gra ti as a ga mus



atérne DEUS : per Christum

B

Domi-

quem ma je stâ tem tu am	& no stras vo ces, ut ad-
lau dant An ge li, adó-	mít ti jú be as de pre cá mur,
rant Do mi na ti ô nes,	fú p li ci con fes si ô ne
tremunt Po testâ tes. Cœ li,	di cén tes.
cœ lo rúm que vir tú tes,	
ac be â ta Sé raphim, só-	
ci a ex ul ta ti ô ne con-	

Sanctus, Sanctus, Sanctus, Dóminus DEUS Sábaoth.
Pleni sunt cœli & terra glóriâ tuâ,
Hosanna in excelsis.
Benedictus, qui venit in nómine Dómini,
Hosanna in excelsis.

CANON



CANON
 MISSÆ
 PRO
 DEFUNCTIS.



Bart. Strahovsky scul. V. V. Bratislava.

CANON MISSÆ PRO DEFUNCTIS.

**Sacerdos extendens & jungens manus, elevans ad cœ-
lum oculos, & statim demittens, profundè inclinatus ante
Altare, manibus super eo positis, dicit:**

TE igitur, clemen-
tissime Pater, per
Jesum Christum
Filium tuum Dòminum
nostrum, supplices rogâ-
mus, ac pètimus, **Osculatur**
Altare, uti accèpta hâbeas,
& benedicas, **Jungat ma-
nus, deinde signet ter su-
per oblata**, hæc **✠** dona,
hæc **✠** mûnera, hæc **✠** fan-
cta sacrificia illibâta, **Ex-
tensis manibus prosequi-
tur**, in primis, quæ tibi of-
ferimus pro Ecclesia tua
sancta Catholica: quam
pacificare, custodire, adu-
nare, & regere digneris to-
to orbe terrarum: unâ cum
famulo tuo Papa nostro **N.**
& Antistite nostro **N.** &
omnibus orthodoxis, at-
que Catholicæ & Aposto-
licæ fidei cultoribus.
Commemoratio pro vivis.
Memento Dòmine fa-
mulorum, famularum

que tuarum **N. & N.** **Jun-
git manus, orat aliquantu-
lum, pro quibus orare in-
tendit: deinde manibus
extensis prosequitur:** Et
omnium circumstantium,
quorum tibi fides cognita
est, & nota devotio, pro
quibus tibi offerimus, vel
qui tibi offerunt hoc sacrifi-
cium laudis, pro se, suisque
omnibus: pro redemptiõ-
ne animarum suarum, pro
spe salutis, & incolumitatis
sue: tibi que reddunt vo-
ta sua æterno Deo, vivo &
vero.

Infra actionem.

Communicantes, & me-
mòriam venerantes,
in primis gloriosæ semper
Virginis Mariæ, genitricis
Dei, & Dòmini nostri JE-
su Christi: sed & beatòrum
Apostolorum ac Màrty-
rum tuorum, Petri & Pauli,
Andræ, Jacobi, Joannis,

Thomæ, Jacobi, Philippi, Bartholomæi, Matthæi, Simônis & Thaddæi: Lini, Cleti, Cleméntis, Xyfti, Cornélii, Cypriani, Laurentii, Chryfógoni, Joánnis & Pauli, Colmæ & Damiani: & ómnium Sanctórum tuórum: quorum méritis, precibúque concédas, ut in ómnibus protectiônis tuæ muniámur auxilió. **Jungit manus.** Per eúdem Christum Dóminum nostrum. Amen.

Tenens manus expansas super oblata dicit:

Hanc igitur oblatiônem servitûtis nostræ, sed & cunctæ familiæ tuæ, quæsumus Dómine, ut placâtus accípias: diésque nostros in tua pace dispónas, atque ab ætérna damnatióne nos éripi, & in electórum tuórum júbeas grege numerári. **Jungit manus.** Per Christum Dóminum nostrum. Amen.

Quam oblatiônem tu DEUS in ómnibus, quæsumus, **Signat ter super oblata,** bene **H** dictam, adscri **H** ptam, ra **H** tam, rationábilem, acceptabilémque facere dignêris: **Sig-**

nat semel super Hostiam, & semel super Calicem: ut nobis Cor **H** pus, & San **H** guis fiat dilectíssimi Filii tui Dómini nostri JESU Christi.

Qui pridie, quàm patetúr, **Accipit Hostiam,** accépit panem in sanctas ac venerábiles manus suas: **Elevat oculos ad cælum:** & elevátis óculis in cælum ad te Deum Patrem suum omnipoténtem, tibi grátias agens, **Signat super Hostiam:** bene **H** dixit, fregit, dedítque discipulis suis, dicens: accípite, & manducáte ex hoc omnes.

Tenens ambabus manibus Hostiam inter indices & pollices, profert verba consecrationis secretè, distinctè, & attentè.

Hoc est enim Corpus meum.

Prolatis verbis consecrationis, statim Hostiam consecratam genuflexus adorat: surgit, ostendit populo, reponit super Corporale, iterum adorat, & non disjungit pollices & indi-

ces,

ces, nisi quando Hostia tractanda est, usque ad ablutionem digitorum.

Tunc detecto Calice dicit:

Simili modo, postquam scœnátum est, **Ambabus manibus accipit Calicem,** accípiens & hunc præclárum Calicem in sanctas, ac venerábiles manus suas: itém tibi grátias agens, **Sinistrâ tenens Calicem, dexterâ signat super eum,** bene **H** dixit, dedítque discipulis suis, dicens: accípite & bibite ex eo omnes.

Profert verba consecrationis secretè super Calicem, tenens illum parum elevatum.

Hic est enim Calix sanguinis mei, novi & ætérni testaménti: mysterium fidei: qui pro vobis, & pro multis effundétur in remissiônem peccatórum.

Prolatis verbis consecrationis, deponit Calicem super Corporale, & dicens secretè: Hæc quotiescúmque fecéritis, in mei memó-

riam faciêtis, **Genuflexus adorat: surgit, ostendit populo, deponit, cooperit, & iterum adorat.**

Deinde disjunctis manibus dicit:

Unde & mémores, Dómine, nos servi tui, sed & plebs tua sancta, ejúdem Christi Filii tui Dómini nostri tam beatæ Passiônis, nec non & ab inferis resurrectiônis, sed & in cœlos gloriósa ascensiônis: offerimus præcláre Majestáti tuæ de tuis donis ac datis, **Jungit manus, & signat ter super Hostiam & Calicem simul,** Hostiam **H** puram, hóstiã **H** sanctam, hóstiã **H** immaculatam, **Signat semel super Hostiam, & semel super Calicem:** Panem **H** sanctum vitæ atérnæ, & Calicem **H** salutis perpétuæ.

Extensis manibus profertur:

Supra quæ propítio ac seréno vultu respícere dignêris: & accépta habêre, sicuti accépta habêre dignátus es múnera púeri tui justí Abel, & sacrificium Patriarchæ nostri Abrahæ: & quod tibi obtulit sum-

C 3

mus

mus Sacerdos tuus Melchisedech, sanctum sacrificium, immaculatam hostiam.

Profundè inclinatus iunctis manibus, & super Altare positus dicit:

Supplices te rogâmus, omnipotens DEUS: iube hæc perferri per manus sancti Angeli tui in sublimè Altare tuum, in conspectu divinæ Majestatis tuæ: ut quotquot, **Osculatur Altare**, ex hac Altaris participatione, sacrosanctum Filii tui, **Jungit manus, & signat semel super Hostiam, & semel super Calicem**, Corpus, & sanguinem sumpserimus, **Seipsum signat**, omni benedictione cœlesti, & gratia repleamur. Per eundem Christum Dominum nostrum. Amen.

Commemoratio pro Defunctis.

Memento etiam, Domine, famulorum famularumque tuarum **N. & N.** qui nos præcesserunt cum signo fidei, & dormiunt in somno pacis. **Jungit manus, orat aliquantulum pro**

iis defunctis, pro quibus orare intendit, deinde extensis manibus prosequitur: Ipsi Domine, & omnibus in Christo quiescentibus, locum refrigerii, lucis & pacis, ut indulgeas, deprecamur. **Jungit manus, & caput inclinat.** Per eundem Christum Dominum nostrum. Amen.

Manu dextera percutit sibi pectus, elata parum voce dicens:

Nobis quoque peccatoribus famulis tuis, de multitudi- ne miserati- onum tuarum sperantibus, partem aliquam, & societatem donare digneris cum tuis sanctis Apóstolis & Martyribus: cum Joanne, Stéphano, Mathia, Barnaba, Ignatio, Alexandro, Marcellino, Petro, Felicitate, Perpétua, Agatha, Lúcia, Agnête, Cæcilia, Anastasia, & omnibus Sanctis tuis: intra quorum nos consortium, non æstimator mériti, sed veniæ, quaesumus, largitor admittè. **Jungit manus.** Per Christum Dominum nostrum.

Per quem hæc omnia, Domine, semper bona

creas,

creas, Signat ter super Hostiam & Calicem simul, dicens, sancti **H**ificas, vivi **H**ificas, bene **H** dicis, & præstas nobis. **Discooperit Calicem, genuflectit, accipit Sacramentum dexterâ, tenens sinistrâ Calicem: signat cum Hostia ter à labio ad labium Calicis, dicens:**

Per ipsum, & cum ipso, & in ipso, bis signat inter Calicem & pectus, est tibi Deo Patri **H** omnipotenti, in unitate Spiritus **H** sancti, **Elevans parum Calicem cum Hostia, dicit:** omnis honor & gloria. **Reponit Hostiam, cooperit Calicem, genuflectit, surgit & dicit:**

Per omnia sæcula sæculorum. **¶** Amen. **Jungit manus.**

Oremus. **P**ræceptis salutari-

ribus moniti, & divina

instituti- onis formati au-

demus dicere. **Extendit manus.**

Pater noster, qui es in

cœlis: Sanctificetur nomen

tuum: Advéniat regnum

tuum: Fiat voluntas tua,

sicut in cœlo, & in terra

D

Panem

Pa nem no strum quo ti di a-

num da no bis hó di e: Et

di mít te no bis de bi ta no-

stra, si cut & nos di mit-

timus de bi to ri bus no stris.

Et ne nos in dú cas in ten-

ta ti o nem. *R.* Sed lí be ra

nos à ma lo.

Sacerdos submissa voce dicit: Amen.

Deinde accipit Patenam inter indicem & medium digitos, & dicit:

Libera nos, quæsumus Dómine, ab ómnibus malis, præteritis, præsentibus, & futuris: & intercedente beata & gloriósa semper Virgine Dei genitrice María, cum beátis Apóstolis tuis Petro & Paulo, atque Andréa, & ómnibus Sanctis, **Signat se cum Patena à fronte ad pectus, & eam osculatur:** da propitius pacem in diébus nostris: ut ope misericordiæ tuæ adjúti, & à peccáto simus semper liberi, & ab omni perturbatióne secúri.

Submittit Patenam Hostiæ, discooperit Calicem, genuflectit, surgit, accipit Hostiam, frangit eam super Calicem per medium, dicens: Per eúndem Dóminum nostrum JESUM Christum Fílium tuum. **Partem, quæ in dextera est, ponit super Patenam. Deinde ex parte, quæ in sinistra remansit, frangit particulam, dicens: Qui tecum vivit**

&

& regnat in unitate Spíritus sancti DEUS. **Aliam mediam partem cum ipsa sinistra ponit super Patenam, & dexterâ tenens particulam super Calice, sinistra Calicem, dicit:**

Per óm ni a sæ cula sæ cu-

lò rum. *R.* Amen.

Cum ipsa particula signat ter super Calicem, dicens:

Pax **✠** Dó mi ni sit **✠** sem-

per vo bís **✠** cum. *R.* Et cum

spí ri tu tuo.

Particulam ipsam immit-

tit in Calicem, dicens le-

cretè:
HÆc commixtio & consecratio Corporis & Sanguinis Dómini nostri JESU Christi, fiat accipientibus nobis in vitam æternam. Amen.

Cooperit Calicem, genuflectit, surgit, & inclinatus Sacramento, junctis manibus dicit:

Agnus Dei, qui tollis peccata mundi, dona eis requiem.

Agnus Dei, qui tollis peccata mundi, dona eis requiem.

Agnus Dei, qui tollis peccata mundi, dona eis requiem sempiternam.

Deinde junctis manibus super Altare, inclinatus dicit sequentes Orationes:

Domine JESU Christe, Filius Dei vivi, qui ex voluntate Patris, cooperante Spíritu sancto, per mortem tuam mundum vivificasti: libera me per hoc sacrosanctum Corpus, & Sanguinem tuum, ab ómnibus iniquitatibus meis, & univér sis malis: & fac me tuis semper inhærere man-

datis,

dátis, & à te nunquam separari permittas: Qui cum eodem Deo Patre, & Spiritu sancto vivis & regnas DEUS in sæcula sæculorum. Amen.

Percéptio Corporis tui Dómine JESU Christe, quod ego indignus sumere præsumo, non mihi proveniat in iudicium & condemnationem: sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti DEUS, per omnia sæcula sæculorum. Amen.

Genuflectit, surgit, & dicit:

Panem cœlestem accipiam, & nomen Dómini invocabo.

Deinde parum inclinatus, accipit ambas partes Hostiæ inter pollicem, & indicem sinistrae manûs, & Patenam inter eundem indicem, & medium; & dexterâ percutiens pectus, elevata aliquantulum voce dicit ter devotè & humiliter:

Domine, non sum dignus, ut intres sub te-

ctum meum, sed tantum dic verbo, & sanabitur anima mea.

Postea dexterâ se signans cum Hostia super Patena, dicit:

Corpus Dómini nostri JESU Christi custodiat animam meam in vitam æternam. Amen.

Sumit reverenter ambas partes Hostiæ, jungit manus, & quiescit aliquantulum in meditatione sanctissimi Sacramenti. Deinde discooperit Calicem, genuflectit, colligit fragmenta, siquæ sint, extergit Patenam super Calicem, interim dicens:

Quid retribuam Dómino pro omnibus, quæ retribuit mihi? Calicem salutaris accipiam, & nomen Dómini invocabo. Laudans invocabo Dóminum, & ab inimicis meis salvus ero.

Accipit Calicem manu dexterâ, & eo se signans dicit:

Sanguis Dómini nostri JESU Christi custodiat animam meam in vitam æternam. Amen.

Sumit

Sumit totum Sanguinem cum particula. Quo sumpto, si qui sunt communicandi, eos communicet, antequam se purificet. Postea dicit:

Quod ore sumpsimus Dómine, pura mente capiâmus: & de múnere temporali fiat nobis remedium sempiternum.

Interim porrigit Calicem ministro, qui infundit in eum parum vini, quo se purificat: deinde prosequitur:

Corpus tuum Dómine, quod sumpsi, & Sanguis, quem potavi, adhæreat visceribus meis: & præsta, ut in me non remaneat scelerum macula, quem pura & sancta refecerunt Sacramenta. Qui vivis & regnas in sæcula sæculorum. Amen.

Abluit digitos, extergit, & sumit ablutioem: extergit os, & Calicem, quem operit, & plicato Corporali, collocat in Altari ut prius: deinde prosequitur Missam.

Dicto, post ultimam Orationem, Dóminus vobiscum. & Et cum spiritu tuo.

Dicit & Requiescant in pace. & Amen.

In Missis solemnibus hoc tono cantatur:



Requiescant in pace.

Deinde Sacerdos inclinat se ante medium Altaris, & manibus junctis super illud, dicit:

Placeat tibi sancta Trinitas, obsequium servitutis meæ, & præsta: ut sacrificium, quod oculis tuæ majestatis indignus obtuli, tibi sit acceptabile, mihi que, & omnibus, pro quibus illud obtuli, sit, te miserante, propitiabile. Per Christum Dóminum nostrum. Amen.

Deinde osculato Altari legit Evangelium S. Joannis.

Initium sancti Evangelii secundum Joannem.

& Glória tibi Dómine.

In principio erat Verbum, & Verbum erat apud Deum, & Deus erat Verbum. Hoc erat in prin-

E

cipio

cipio apud Deum. Omnia per ipsum facta sunt: & sine ipso factum est nihil, quod factum est, in ipso vita erat, & vita erat lux hominum: & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non rece-

perunt. Quotquot autem receperunt eum, dedit eis potestatem filios Dei fieri, his, qui credunt in nomine ejus: Qui non ex sanguinibus, neque ex voluntate carnis, neque ex voluntate viri, sed ex Deo nati sunt. *

ET VERBUM CARO FACTUM EST, & habitavit in nobis: & vidimus gloriam ejus, gloriam quasi unigeniti à Patre, plenum gratiæ & veritatis.

R. Deo gratias.

Finito Evangelio sancti Joannis, discedens ab Altari, pro gratiarum actione dicit Antiphonam, Trium puerorum. cum reliquis, ut habetur infra in fine hujus libri.

* Hic genu-
flecti-
tur.



MISSÆ

Christe, Rex gloriæ, libera animas omnium fidelium defunctorum de pœnis inferni, & de profundo lacu: libera eas de ore leonis: nè absorbeat eas tartarus, nè cadant in obscurum: sed signifer sanctus Michael repræsentet eas in lucem sanctam: * Quam olim Abraham promisisti, & semini ejus. *Ps.* Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas Domine de morte transire ad vitam. Quam olim Abraham promisisti, & semini ejus.

Secreta.

Hostias, quæsumus Domine, quas tibi pro animabus famulorum famularumque tuarum offerimus, propitiatus intende: ut, quibus fidei Christianæ meritum contulisti, dones & præmium. Per Dominum nostrum Jesum Christum Filium tuum.

Communio. Lux æterna luceat eis Domine, * Cum Sanctis tuis in æternum: quia pius es. *Ps.* Requiem æternam dona eis Domine: & lux perpetua luceat eis. Cum Sanctis tuis in æternum: quia pius es.

Postcommunio.

Animabus, quæsumus Domine, famulorum famularumque tuarum oratio proficiat supplicantium: ut eas & à peccatis omnibus exuas, & tuæ redemptionis facias esse par-

ticipes. Qui vivis & regnas cum Deo Patre.

Dicto Dominus vobiscum, dicitur, Requiescant in pace. R. Amen. & non datur benedictio: sed dicto secretò, Placeat tibi sancta Trinitas, & osculato Altari, legitur Evangelium sancti Joannis, In principio erat Verbum, ut moris est.

IN DIE OBITU,
seu depositionis Defuncti.

Introitus.

Requiem æternam dona eis Domine: & lux perpetua luceat eis. *Psalmus.* Te decet hymnus DEUS in Sion, & tibi reddetur votum in Jerusalem: exaudi orationem meam, ad te omnis caro veniet. **R**equiem æternam dona eis Domine: & lux perpetua luceat eis.

ORATIO.

Deus, cui proprium est misereri semper & parcere, te supplices exoramus pro anima famuli tui **N.** quam hodie de hoc sæculo migrare iussisti: ut non tradas eam in manus inimici, neque obliviscaris in finem, sed jubeas eam à sanctis Angelis suscipi, & ad patriam paradisi perducere; ut, quia in te speravit & credidit, non pœnas inferni sustineat, sed gaudia æterna possideat. Per Dominum nostrum Jesum Christum

F

Filium

Filius tuus: Qui tecum
vivit & regnat in unitate
Spiritus sancti DEUS, per
omnia secula seculorum.
Amen.

Lectio Epistolæ beati Pauli
Apostoli ad Thessalonicenses.

Fratres, nolumus vos
ignorare de dormien-
tibus, ut non contristemi-
ni, sicut & ceteri, qui spem
non habent. Si enim cre-
dimus, quod JESUS mor-
tuus est, & resurrexit: ita &
Deus eos, qui dormierunt
per Jesum, adducet cum
eo. Hoc enim vobis dici-
mus in verbo Domini, quia
nos, qui vivimus, qui resi-
dui sumus in adventum
Domini, non praveniemus
eos, qui dormierunt. Quo-
niam ipse Dominus in jussu,
& in voce Archangeli, & in
tuba Dei descendet de celo:
& mortui, qui in Christo
sunt, resurgent primi.
Deinde nos, qui vivimus,
qui relinquimur, simul rapi-
emur cum illis in nubibus
obviam Christo in aera,
& sic semper cum Do-
mino erimus. Itaque con-
solamini invicem in verbis
istis.

Graduale. Requiem æternam do-
na eis Domine: & lux perpétua lú-

ceat eis. **V.** In memoria æterna erit
justus: ab auditiōne mala non timē-
bit.

Tractus. Absolve, Domine,
ánimas ómnium fidélium defuncto-
rum ab omni vínculo delictórum.
V. Et grátia tua illis succurrēte, mere-
ántur evádere judiciū ulitiōnis.
V. Et lucis æternæ beatitudine pér-
frui.

Sequentia.

Dies iræ, dies illa,
Solvat seculum in favilla:
Teste David cum Sibylla.

Quantus tremor est futurus,
Quando Judex est venturus,
Cuncta stricte discussurus!

Tuba mirum spargens sonum
Per sepúlchra regiōnum,
Coget omnes ante Thronum.

Mors stupēbit, & natura,
Cum resurget creatura,
Judicanti responsura.

Liber scriptus proferetur,
In quo totum continetur,
Unde mundus judicetur.

Judex ergo cum sedebit,
Quidquid latet, apparebit:
Nil inultum remanebit.

Quid sum miser tunc dicturus?
Quem patrōnum rogaturus?
Cum vix justus sit securus.

Rex tremendæ majestatis,
Qui salvandos salvas gratis,
Salva me fons pietatis.

Recordare JESU pie,
Quod sum causa tuæ viæ,
Ne me perdas illa die.

Quærens me, sedisti lassus:
Redemisti, crucem passus,
Tantus labor non sit cassus.

Juste Judex ulitiōnis,
Donum fac remissiōnis
Ante diem ratiōnis.

Ingemisco tanquam reus:

Psal.
iii.

Culpâ

MISSÆ PROPRIÆ

PRO DEFUNCTIS.

In commemoratione omnium fidelium Defunctorum.

Introitus.

Requiem æternam dona
eis Domine: & lux perpétua
lúceat eis. **Psal.**
Te decet hymnus Deus
in Sion, & tibi reddetur
votum in Jerusalem: exaudi ora-
tiōnem meam, ad te omnis caro vé-
niet. **Deinde absolutè repetitur,**
Requiem æternam dona eis Domi-
ne: & lux perpétua lúceat eis.

ORATIO.

Fidélium Deus ómnium
Cōnditor & Redēmp-
tor, animabus famulorum
familiarumque tuarum, re-
missiōnem cunctorum trí-
bue peccatorum; ut indul-
gentiam, quam semper op-
tavérunt, piis supplicatiō-
nibus consequantur. Qui
vivas & regnas cum Deo
Patre in unitate Spiritus
sancti Deus, per ómnia sæ-
cula seculorum. **R.** Amen.

Lectio Epistolæ beati Pauli
Apostoli ad Corinthios.

1. Cor.
15. 2

Fratres, ecce mysterium
vobis dico: Omnes qui-
dem resurgemus, sed non
omnes immutabimur. In

momento, in ictu oculi, in
novissima tuba: canet enim
tuba, & mortui resurgent
in corrupti: & nos immutabi-
mur. Opórtet enim cor-
ruptibile hoc induere in-
corruptiōnem; & mortale
hoc induere immortalitatem.
Cum autem mortale
hoc induerit immortalitatem,
tunc fiet sermo, qui
scriptus est: Absorpta est
mors in victoria. Ubi est
mors victoria tua? ubi est
mors stimulus tuus? Stimu-
lus autem mortis peccatum
est: virtus verò pec-
cati lex. Deo autem grá-
tias, qui dedit nobis victó-
riam per Dominum no-
strum Jesum Christum.

Graduale. Requiem æternam
dona eis Domine: & lux perpétua
lúceat eis. **V.** In memoria æterna
erit justus: ab auditiōne mala non
timēbit.

Psal.
iii.

Tractus. Absolve, Domine, áni-
mas ómnium fidélium defunctórum
ab omni vínculo delictórum. **V.** Et
grátia tua illis succurrēte, mere-
ántur evádere judiciū ulitiōnis. **V.** Et
lucis æternæ beatitudine pérfrui.

E 2

Sequen-

Sequentia.

Dies iræ, dies illa,
Solvat sæclum in favilla:
Teste David cum Sibylla.
Quantus tremor est futurus,
Quando Judex est venturus,
Cuncta strictè discussurus!
Tuba mirum spargens sonum
Per sepulchra regionum,
Coget omnes ante Thronum.
Mors stupèbit, & natura,
Cum resurget creatura,
Judicanti responsura.
Liber scriptus proferetur,
In quo totum continetur,
Unde mundus judicetur.
Judex ergo cum sedebit,
Quidquid latet, apparebit:
Nil inultum remanebit.
Quid sum miser tunc dicturus?
Quem patronum rogaturus?
Cum vix justus sit securus.
Rex tremendæ majestatis,
Qui salvandos salvas gratis,
Salva me fons pietatis.
Recordare JESU pie,
Quod sum causa tuæ viæ,
Nè me perdas illa die.
Querens me, sedisti lassus:
Redemisti, crucem passus,
Tantus labor non sit cassus.
Juste Judex ultionis,
Donum fac remissionis
Ante diem rationis.
Ingemisco tanquam reus:
Culpâ rubet vultus meus:
Supplicanti parce DEUS.
Qui Mariam absolvisti,
Et latronem exaudisti,
Mihi quoque spem dedisti.
Preces meæ non sunt dignæ:
Sed tu bonus fac benignè,
Nè perenni cremer igne.
Inter oves locum præsta,

Et ab hædis me sequèstra,
Statuens in parte dextra.
Confutatis maledictis,
Flammis acribus addictis,
Voca me cum benedictis.
Oro supplex & acclinis,
Cor contritum quasi cinis;
Gere curam mei finis.
Lacrymosa dies illa,
Qua resurget ex favilla
Judicandus homo reus.
Huic ergo parce DEUS.
Pie JESU Dómine,
Dona eis réquiem. Amen.

Sequentia sancti Evangelii
secundum Joannem.

In illo tempore dixit JE-
sus turbis Judæorum: A-
men, amen dico vobis, quia
venit hora, & nunc est,
quando mortui audient
vocem Filii Dei: & qui au-
dierint, vivent. Sicut enim
Pater habet vitam in semet-
ipso, sic dedit & Filio habere
vitam in semetipso: &
potestatem dedit ei judici-
um facere, quia Filius hó-
minis est. Nolite mirari
hoc, quia venit hora, in
qua omnes, qui in monu-
mentis sunt, audient vocem
Filii Dei: & procedent, qui
bona fecerunt, in resurre-
ctionem vitæ: qui verò
mala egerunt, in resurre-
ctionem judicii.

Offertorium. Dómine JESU

Christe,

Culpâ rubet vultus meus:
Supplicanti parce DEUS.
Qui Mariam absolvisti,
Et latronem exaudisti,
Mihi quoque spem dedisti.
Preces meæ non sunt dignæ:
Sed tu bonus fac benignè,
Nè perenni cremer igne.
Inter oves locum præsta,
Et ab hædis me sequèstra,
Statuens in parte dextra.
Confutatis maledictis,
Flammis acribus addictis,
Voca me cum benedictis.
Oro supplex & acclinis,
Cor contritum quasi cinis;
Gere curam mei finis.
Lacrymosa dies illa,
Qua resurget ex favilla
Judicandus homo reus.
Huic ergo parce DEUS.
Pie JESU Dómine,
Dona eis réquiem. Amen.

Sequentia sancti Evangelii
secundum Joannem.

In illo tempore: Dixit
Martha ad Jesum: Dó-
mine, si fuisses hîc, frater
meus non fuisset mortuus.
Sed & nunc scio, quia quæ-
cunque poposceris à Deo,
dabit tibi Deus. Dicit illi
JESUS: Resurget frater
tuus. Dicit ei Martha:
Scio, quia resurget in resur-
rectione in novissimo die.
Dixit ei Jesus: Ego sum re-
surrectio, & vita: qui cre-
dit in me, etiam si mortuus
fuerit, vivet: & omnis, qui
vivit, & credit in me, non

moriètur in ætèrnum. Cre-
dis hoc? Ait illi: Utique
Dómine, ego credidi, quia
tu es Christus Filius Dei vi-
vi, qui in hunc mundum
veniisti.

Offertorium. Dómine JESU
Christe, Rex glóriæ, libera animas
omnium fidelium defunctorum de
pœnis infèrni, & de profundo lacu:
libera eas de ore leónis, nè absor-
beat eas tartarus, nè cadant in ob-
scûrum: sed signifer sanctus Michaël
repræsèntet eas in lucem sanctam:
*Quam olim Abraham promisisti, &
semini ejus. **ꝯ.** Hóstias & preces ti-
bi, Dómine, laudis offerimus: tu
suscipe pro animabus illis, quarum
hódie memóriam facimus: fac eas
Dómine de morte transire ad vitam.
Quam olim.

Secreta.

Propitiare, quæsumus
Dómine, animæ famu-
li tui **N.** pro qua hóstiam
laudis tibi immolamus, ma-
jestatem tuam suppliciter
deprecantes: ut per hæc
piæ placationis officia, per-
venire mereatur ad réqui-
em sempitèrnâ. Per Dó-
minum nostrum.

Communio. Lux ætèrna luceat
eis Dómine, *Cum Sanctis tuis in
ætèrnum: quia pius es. **ꝯ.** Réquiem
ætèrnâ dona eis Dómine: & lux
perpétua luceat eis. **Cum Sanctis.**

Postcommunio.

Præsta quæsumus omni-
potens Deus: ut ani-

ma famuli tui **N.** quæ hodie de hoc sæculo migravit, his sacrificiis purgata, & à peccatis expedita, indulgentiam pariter & requiem capiat sempiternam. Per Dñm nostrum.

In die tertio, septimo, & trigésimo depositionis defuncti, dicitur Missa ut supra, exceptis Orationibus, quæ dicuntur ut infra.

ORATIO.

Quæsumus Dñm, ut animæ famuli tui **N.** cujus depositionis diem tertium, (vel septimum, vel trigésimum,) commemoramus, sanctorum, atque electorum tuorum largiri digneris consortium: & rorem misericordiae tuæ perennem infundas. Per Dñm.

Secreta.

Munera, quæsumus Dñm, quæ tibi pro anima famuli tui **N.** offerimus, placatus intende: ut remediis purgata cœlestibus, in tua pietate requiescat. Per Dñm.

Postcommunio.

Suscipe, Dñm, preces nostras pro anima famuli tui **N.** ut, si quæ ei maculæ de terrenis contagiis

adhæserint, remissionis tuæ misericordiâ deleantur. Per Dñm nostrum JESUM Christum.

IN ANNIVERSARIO DEFUNCTORUM.

Introitus.

Requiem æternam dona eis Dñm: & lux perpétua luceat eis. *Psalms. Te decet hymnus DEUS in Sion,* & tibi reddetur votum in Jerúsalem: exaudi orationem meam, ad te omnis caro veniet. **R**equiem æternam dona eis Dñm: & lux perpétua luceat eis.

ORATIO.

DEUS indulgentiarum Dñm, da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, & luminis claritatem. Per Dñm nostrum JESUM Christum Filium tuum: Qui tecum vivit & regnat in unitate Spiritus sancti DEUS, per omnia sæcula sæculorum.

R. Amen.

Lectio libri Machabæorum.

In dièbus illis: Vir fortissimus Judas, facta col-

latiõ-

latiõne, duodecim millia drachmas argenti misit Jerosolymam offerri pro peccatis mortuorum sacrificium, bene & religiosè de resurrectione cogitans (nisi enim eos, qui ceciderant, resurrecturos speraret, superfluum videretur & vanum orare pro mortuis) & quia considerabat, quod hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur.

Graduale. **R**equiem æternam dona eis Dñm: & lux perpétua luceat eis. *Psalm.* In memoria æterna erit justus: ab auditione mala non timebit.

Tractus. Absolve, Dñm, animas omnium fidelium defunctorum ab omni vinculo delictorum. *Psalm.* Et gratia tua illis succurrente, mereantur evadere iudicium ultionis. *Psalm.* Et lucis æternæ beatitudine perfrui.

Sequentia.

Dies iræ, dies illa, Solvet sæclum in favilla: Teste David cum Sibylla. **Q**uantus tremor est futurus, Quando Judex est venturus, Cuncta stricte discussurus! **T**uba mirum spargens sonum Per sepulchra regionum, Coget omnes ante Thronum. **M**ors stupèbit, & natura,

Cum resurget creatura, Judicanti responsura.

Liber scriptus proferetur, In quo totum continetur, Unde mundus judicetur.

Judex ergo cum sedebit, Quidquid latet, apparèbit: Nil inultum remanèbit.

Quid sum miser tunc dicturus? Quem patronum rogaturus? Cum vix justus sit securus.

Rex tremendæ majestatis, Qui salvandos salvas gratis, Salva me fons pietatis.

Recordare JESU pie, Quod sum causa tuæ viæ, Nè me perdas illa die.

Quærens me, sedisti lassus: Redemisti, crucem passus, Tantus labor non sit cassus.

Juste Judex ultionis, Donum fac remissionis Ante diem rationis.

Ingemisco tanquam reus: Culpâ rubet vultus meus: Supplicanti parce DEUS.

Qui Mariam absolvisti, Et latronem exaudisti, Mihi quoque spem dedisti.

Preces meæ non sunt dignæ: Sed tu bonus fac benignè, Nè perenni cremer igne.

Inter oves locum præsta, Et ab hædis me sequestra, Statuens in parte dextra.

Confutatis maledictis, Flammis acerbis addictis, Voca me cum benedictis.

Oro supplex & acclinis, Cor contritum quasi cinis; Gere curam mei finis.

Lacrymôsa dies illa, Qua resurget ex favilla Judicandus homo reus.

Huic ergo parce DEUS.

Pie JESU Dómine,
Dona eis réquiem. Amen.

Foan.
6. b.
Sequéntia sancti Evangelii
secúndum Joánnem.

IN illo témpore : Dixit
JESUS turbis Judæórum:
Omne, quod dat mihi Pa-
ter, ad me véniet : & eum,
qui venit ad me, non eji-
ciam foràs : quia descéndi
de cælo, non ut fáciam vo-
luntátem meam, sed volun-
tátem ejus, qui misit me.
Hæc est autem volúntas
ejus, qui misit me, Patris :
ut omne, quod dedit mihi,
non perdam ex eo, sed re-
suscitem illud in novíssimo
die. Hæc est autē volúntas
Patris mei, qui misit me : ut
omnis, qui videt Filium, &
credit in eum, hábeat vitam
ætérnam, & ego resuscitá-
bo eum in novíssimo die.

Offertorium. Dómine JESU
Christe, Rex glóriæ, libera ánimas
ómnium fidélium defunctorum de
pœnis inférni, & de profúndo lacu:
libera eas de ore leónis, nè abfor-
beat eas tartarus, nè cadant in ob-
scúrum: sed signifer sanctus Michaël
repræséntet eas in lucem sanctam :
* Quam olim Abrahæ promisisti, &
femini ejus. *Ps.* Hóstias & preces ti-
bi, Dómine, laudis offerimus : tu
súscipe pro animábus illis, quarum
hódie memóriam fáciamus : fac eas
Dómine de morte transire ad vitam.
Quam olim Abrahæ promisisti, &
femini ejus.

Secreta.

Propitiâre Dómine sup-
plicationibus nostris,
pro animábus famulorum
famularumque tuarum,
quorum hódie ánnua dies
ágitur, pro quibus tibi of-
ferimus sacrificium laudis:
ut eas Sanctórum tuórum
consórtio sociâre digneris.
Per Dóminum nostrum.

Communio. Lux atérna luceat
eis Dómine, * Cum Sanctis tuis in
atérnum : quia pius es. *Ps.* Réquiem
atérnam dona eis Dómine : & lux
perpétua luceat eis. Cum Sanctis.

Postcommunio.

Præsta, quæsumus Dó-
mine, ut animæ famu-
lorum famularumque tuá-
rum, quorum anniver-
sarium depositiõnis diem
commemorâmus, his pur-
gatæ sacrificiis, indulgên-
tiam páriter & réquiem cá-
pian sempitérnam. Per
Dóminum nostrum JESUM
Christum Filium tuum.

*Si pro uno fiat anniversarium,
prædictæ Orationes dicantur in sin-
gulari numero.*

I N M I S S I S
quotidianis Defunctorum.

Introitus.

Requiem ætérnam dona eis
Dómine : & lux perpétua lú-
ceat eis. *Psalmus.* Te decet *Ps. 64.*
hymnus Deus in Sion, & tibi

reddê-

reddetur votum in Jerúsalem: exáu-
di oratiõnem meam, ad te omnis ca-
ro véniet. Réquiem ætérnam dona
eis Dómine : & lux perpétua lú-
ceat eis.

**Pro defunctis Episcopis, seu
Sacerdotibus,**

ORATIO.

DEUS, qui inter Apo-
stólicos sacerdotés, fá-
mulos tuos Pontificáli, seu
sacerdotáli, fecisti dignitá-
te vigère : præsta, quæsu-
mus, ut eórum quoque per-
pétuo aggregentur con-
sórtio. Per Dóminum no-
strum JESUM Christum.

**Pro defunctis fratribus, propin-
quis, & benefactoribus,**

ORATIO.

DEUS, véniæ largitor, &
humánæ salutis amá-
tor: quæsumus cleméntiam
tuam, ut nostræ congrega-
tiõnis fratres, propínquos,
& benefactóres, qui ex hoc
sæculo transierunt; beata
Maria semper Virgine in-
tercedente cum ómnibus
Sanctis tuis, ad perpétuæ
beatitudinis consórtium
pervenire concédas.

Pro fidelibus defunctis generalis

ORATIO.

Fidélium Deus ómnium
Cónditor & Redemp-
tor, animábus famulorum
famularumque tuarum, re-

missiõnem cunctórum trí-
bue peccatórum; ut indul-
géntiam, quam semper op-
tavérunt, piis supplicatiõ-
nibus consequantur. Qui
vivid & regnas cum Deo
Patre in unitate Spíritus
sancti Deus, per ómnia sæ-
cula sæculórum. *R.* Amen.

Lectio libri Apocalypsis
beati Joánnis Apóstoli.

IN diébus illis : Audivi *Apo.*
vocem de cælo dicén- *14. c.*
tem mihi : Scribe : Beati
mórtui, qui in Dómino mó-
riuntur. A modo jam dicit
Spíritus, ut requiescant à
labóribus suis: ópera enim
illórum sequuntur illos.

Graduale. Réquiem ætérnam
dona eis Dómine : & lux perpétua
lúceat eis. *Ps.* In memória atérna
erit justus : ab auditiõne mala non
timébit. *Psal.* *III.*

Tractus. Absólve, Dómine, áni-
mas ómnium fidélium defunctorum
ab omni vínculo delictórum. *Ps.* Et
grátia tua illis succurrénte, mereán-
tur evádere judicium ultiónis. *Ps.* Et
lucis atérnæ beatitudine pérfrui.

Sequentia ad arbitrium Sacerdotis.

Dies iræ, dies illa,
Solvat sæclum in favilla:
Teste David cum Sibylla.

Quantus tremor est futurus,
Quando Judex est venturus,
Cuncta stricte discussurus!

Tuba mirum spargens sonum
Per sepúlchra regiõnum,
Coget omnes ante Thronum.

Mors stupēbit, & natūra,
Cum resurget creatūra,
Judicanti responsūra.

Liber scriptus proferetur,
In quo totum continetur,
Unde mundus judicetur.

Judex ergo cum sedebit,
Quidquid latet, apparēbit:
Nihil inultum remanēbit.

Quid sum miser tunc dicturus?
Quem patrōnum rogaturus?
Cum vix justus sit securus.

Rex tremendæ majestatis,
Qui salvādos salvas gratis,
Salva me fons pietatis.

Recordāre JESU pie,
Quod sum causā tuæ viæ,
Nē me perdas illa die.

Quærens me, sedisti lassus:
Redemisti, crucem passus,
Tantus labor non sit cassus.

Juste Judex ultionis,
Donum fac remissionis
Ante diem rationis.

Ingemisco tanquam reus:
Culpā rubet vultus meus:
Supplicanti parce DEUS.

Qui Mariam absolvisti,
Et latrōnem exaudisti,
Mihi quoque spem dedisti.

Preces meæ non sunt dignæ:
Sed tu bonus fac benigne,
Nē perenni cremer igne.

Inter oves locum præsta,
Et ab hædis me sequēstra,
Statuens in parte dextra.

Confutatis maledictis,
Flammis acerbis addictis,
Voca me cum benedictis.

Oro supplex & acclinis,
Cor contritum quasi cinis;
Gere curam mei finis.

Lacrymōsa dies illa,
Qua resurget ex favilla
Judicandus homo reus.

Huic ergo parce DEUS.
Pie JESU Dōmine,
Dona eis requiem. Amen.

Sequētia sancti Euangēlii
secundum Joānnem.

In illo tempore: Dixit
JESUS turbis Judæorum:
Ego sum panis vivus, qui
de cælo descendi. Si quis
manducaverit ex hoc pa-
ne, vivet in æternum: &
panis, quem ego dabo, ca-
ro mea est pro mundi vita.
Litigabant ergo Judæi ad
invicem, dicentes: Quomodo
potest hic nobis car-
nem suam dare ad mandu-
candum? Dixit ergo eis JE-
sus: Amen, amen dico vo-
bis: Nisi manducaveritis
carnem Filii hominis, & bi-
beritis ejus sanguinem, non
habebitis vitam in vobis.
Qui manducat meam car-
nem, & bibit meum sangui-
nem, habet vitam æternam:
& ego resuscitabo eum in
novissimo die.

Offertorium. Dōmine JESU
Christe, Rex gloriæ, libera animas
omnium fidelium defunctorum de
pœnis inferni, & de profundo lacu:
libera eas de ore leonis, nē absor-
beat eas tartarus, nē cadant in ob-
scūrum: sed signifer sanctus Michaël
repræsentet eas in lucem sanctam:
* Quam olim Abrahæ promisisti, &
semini ejus. †. Hóstias & preces ti-

Joan.
6. f.

bi

bi, Dōmine, laudis offerimus. tu
suscipe pro animabus illis, quarum
hodie memoriā facimus: fac eas
Dōmine de morte transire ad vitam.
Quam olim Abrahæ promisisti, &
semini ejus.

**Pro defunctis Episcopis, seu
Sacerdotibus. Secreta**

Suscipe, Dōmine quæsu-
mus, pro animabus famu-
lorum tuorum Pontifi-
cum, seu sacerdotum, quas
offerimus hóstias: ut, qui-
bus in hoc sæculo Pontifi-
cæ, seu sacerdotæ, donā-
sti méritum, in cœlesti re-
gno Sanctorum tuorum jú-
beas jungi consortio. Per
Dōminum nostrum.

**Pro defunctis fratribus, propin-
quis, & benefactoribus.**

Secreta.

DEUS, cujus misericor-
diæ non est numerus,
suscipe propitius preces
humilitatis nostræ: & ani-
mabus fratrum, propin-
quorum & benefactorum
nostrorum, quibus tui nó-
minis dedisti confessiōnem,
per hæc Sacramenta salutis
nostræ, cunctorum remis-
siōnem tribue peccatorum.

Pro omnibus fidelibus defunctis.

Secreta.

Hóstias, quæsumus Dō-
mine, quas tibi pro a-
nimabus famulorum famu-

larumque tuarum offeri-
mus, propitiatus intende:
ut, quibus fidei Christianæ
méritum contulisti, dones
& præmium. Per Dōmi-
num.

Communio. Lux æterna luceat
eis Dōmine, * Cum Sanctis tuis in
æternum: quia pius es. †. Requiem
æternam dona eis Dōmine: & lux
perpétua luceat eis. Cum Sanctis
tuis in æternum: quia pius es.

**Pro defunctis Episcopis, seu
Sacerdotibus.**

Postcommunio.

Profit, quæsumus Dō-
mine, animabus famu-
lorum tuorum Pontificum,
seu sacerdotum, misericor-
diæ tuæ implorata clemē-
tia: ut ejus, in quo spera-
verunt, & credid erunt, æ-
ternum cāpian te miseran-
te consortium. Per Dō-
minum.

**Pro defunctis fratribus, propin-
quis, & benefactoribus.**

Postcommunio.

Præsta, quæsumus omni-
potens & misericors
Deus: ut animæ fratrum,
propinquorum & benefa-
ctorum nostrorum, pro
quibus hoc sacrificium lau-
dis tuæ obtulimus majestā-
ti, per hujus virtutem Sa-
cramenti à peccatis omni-
bus expiata, lucis perpé-

H

tuæ,

tuæ, te miserante, recipiant beatitudinem.

Pro omnibus fidelibus defunctis.

Postcommunio.

A Nimâbus, quæsumus Dómine, famulorum famularumque tuarum oratio proficiat supplicanti-um: ut eas & à peccatis omnibus exuas, & tuæ redemptionis facias esse participes. Qui vivis & regnas cum Deo Patre.

Epistolæ & Euangeliâ superius posita in una Missa pro Defunctis dici possunt etiam in alia Missa pro Defunctis.

ORATIONES
DIVERSÆ PRO DEFUNCTIS.

In die depositionis, & anniversario summi Pontificis, dicitur prima Missa, ut supra, fol. 21. præter Orationes, quæ dicuntur ut infra.

ORATIO.

DEUS, qui inter summos Sacerdotes famulum tuum **N.** ineffabili tua dispositione connumerari voluisti: præsta quæsumus; ut, qui unigeniti Filii tui vices in terris gerêbat, sanctorum tuorum Pontificum consortio perpetuo aggregetur. Per eundem Dóminum.

Secreta.

Suscipe, Dómine quæsumus, pro anima famuli

tui **N.** summi Pontificis, quas offerimus hostias: ut, cui in hoc sæculo Pontificale donasti meritum, in cœlesti regno Sanctorum tuorum jubeas jungi consortio. Per Dóminum.

Postcommunio.

Profit, quæsumus Dómine, animæ famuli tui **N.** summi Pontificis, misericordiæ tuæ implorata cleméntia: ut ejus, in quo speravit, & credidit, ætérnum capiat, te miserante, consortium. Per Dóminum.

Pro defuncto Episcopo dicitur prima Missa, ut supra 21. Orationes verò ut infra.

ORATIO.

DEUS, qui inter Apostolicos sacerdotes, famulum tuum **N.** Pontificali fecisti dignitate vigere: præsta quæsumus; ut eorum quoque perpetuo aggregetur consortio. Per Dóminum nostrum.

Secreta.

Suscipe, Dómine quæsumus, pro anima famuli tui **N.** Pontificis, quas offerimus hostias: ut, cui in hoc sæculo Pontificale donasti meritum, in cœlesti regno Sanctorum tuorum

jubeas

jubeas jungi consortio. Per Dóminum nostrum.

Postcommunio.

Profit, quæsumus Dómine, animæ famuli tui **N.** Pontificis, misericordiæ tuæ implorata cleméntia: ut ejus, in quo speravit, & credidit, ætérnum capiat, te miserante, consortium. Per Dóminum nostrum.

Pro Episcopo Cardinali defuncto,

ORATIO.

DEUS, qui inter Apostolicos Sacerdotes, famulum tuum **N.** Episcopum Cardinalem Pontificali fecisti dignitate vigere: præsta quæsumus: ut eorum quoque perpetuo aggregetur consortio. Per Dóminum nostrum.

Secreta.

Suscipe, Dómine quæsumus, pro anima famuli tui **N.** Pontificis Cardinalis, quas offerimus hostias: ut, cui in hoc sæculo Pontificale donasti meritum, in cœlesti regno Sanctorum tuorum jubeas jungi consortio. Per Dóminum nostrum.

Postcommunio.

Profit, quæsumus Dómine, animæ famuli tui

N. Pontificis Cardinalis misericordiæ tuæ implorata cleméntia: ut ejus, in quo speravit, & credidit, ætérnum capiat, te miserante, consortium. Per Dóminum nostrum.

Pro Presbytero Cardinali defuncto,

ORATIO.

DEUS, qui inter Apostolicos Sacerdotes, famulum tuum **N.** Presbyterum Cardinalem sacerdotali fecisti dignitate vigere: præsta quæsumus; ut eorum quoque perpetuo aggregetur consortio. Per Dóminum nostrum.

Secreta.

Suscipe, Dómine, quæsumus, pro anima famuli tui **N.** Presbyteri Cardinalis, quas offerimus hostias: ut, cui in hoc sæculo sacerdotale donasti meritum, in cœlesti regno Sanctorum tuorum jubeas jungi consortio. Per Dóminum nostrum **J**esum Christum.

Postcommunio.

Profit, quæsumus Dómine, animæ famuli tui **N.** Presbyteri Cardinalis, misericordiæ tuæ implorata cleméntia: ut ejus, in quo speravit, & credidit, ætér-

num cāpiat, te miserānte, confortium. Per Dóminum nostrum.

Pro Diacono Cardinali defuncto,
O R A T I O.

INclina Dómine aurem tuam ad preces nostras, quibus misericórdiam tuam supplices deprecāmur: ut animam famuli **N.** Diaconi Cardinalis, quam de hoc sæculo migrare iussisti, in pacis ac lucis regiõne constituas; & Sanctõrum tuõrum iubeas esse confortem. Per Dóminum nostrum **JESUM** Christum.

Secreta.

ANnue nobis, quæsumus Dómine, ut animæ famuli tui **N.** Diaconi Cardinalis, hæc profit oblatio: quam immolando, totius mundi tribuisti relaxari delicta. Per Dóminum nostrum **JESUM** Christum Filium tuum.

Postcommunio.

Absolve, quæsumus Dómine, animam famuli tui **N.** Diaconi Cardinalis, ab omni vinculo delictõrum: ut in resurrectionis glória, inter sanctos & electos tuos resuscitatus respiret. Per Dóminum nostrum.

Pro defuncto Sacerdote,

O R A T I O.

DEus, qui inter Apostolicos Sacerdotes, famulum tuum **N.** sacerdotali fecisti dignitate vigere: præsta quæsumus; ut eõrum quoque perpetuo aggregetur confortio. Per Dóminum nostrum.

Secreta.

Suscipe, Dómine quæsumus, pro anima famuli tui **N.** Sacerdotis, quas offerimus hostias: ut, cui in hoc sæculo sacerdotale donasti meritum, in cœlesti regno Sanctõrum tuõrum iubeas jungi confortio. Per Dóminum nostrum.

Postcommunio.

Profit, quæsumus Dómine, animæ famuli tui tui **N.** Sacerdotis misericordiæ tuæ implorata clemencia: ut ejus, in quo speravit & credidit, æternum cāpiat, te miserānte, confortium. Per Dóminum nostrum **JESUM** Christum.

Si fuerint plures, dicatur ut supra in iiii. Missa, fol. 29.

Pro defuncto Episcopo,
alia Oratio.

DA nobis, Dómine, ut animam famuli tui **N.**

Episco-

Secreta.

Episcopi, quam de hujus sæculi eduxisti laborioso certamine, Sanctõrum tuõrum tribuas esse confortem. Per Dóminum nostrum.

Secreta.

ANnue nobis, quæsumus Dómine, ut animæ famuli tui **N.** Episcopi hæc profit oblatio: quam immolando, totius mundi tribuisti relaxari delicta. Per Dóminum nostrum **JESUM** Christum.

Postcommunio.

His sacrificiis, quæsumus omnipotens **DEUS**, purgata animæ famuli tui **N.** Episcopi, ad indulgentiam & refrigerium sempiternum pervenire mereatur. Per Dóminum nostrum.

Pro defuncto Sacerdote.

Et possunt dici pro pluribus in numero plurali

O R A T I O.

Præsta, quæsumus Dómine, ut anima famuli tui **N.** Sacerdotis, quem in hoc sæculo commorantem, sacris munèribus decorasti, in cœlesti sede gloriosa semper exultet. Per Dóminum nostrum **JESUM** Christum Filium tuum.

Suscipe, Dómine quæsumus, pro anima famuli tui Sacerdotis, quas offerimus hostias: ut, cui sacerdotale donasti meritum, dones & præmium. Per Dóminum nostrum.

Postcommunio.

Præsta, quæsumus omnipotens Deus: ut animam famuli tui **N.** sacerdotis in congregatione justõrum, æternæ beatitudinis iubeas esse confortem. Per Dóminum nostrum **JESUM** Christum.

Pro uno defuncto.

O R A T I O.

INclina Dómine aurem tuam ad preces nostras, quibus misericórdiam tuam supplices deprecāmur: ut animam famuli tui, quam de hoc sæculo migrare iussisti, in pacis ac lucis regiõne constituas; & Sanctõrum tuõrum iubeas esse confortem. Per Dóminum nostrum.

Secreta.

ANnue nobis, quæsumus Dómine, ut animæ famuli tui hæc profit oblatio, quam immolando, totius mundi tribuisti rela-

I

xari

xari delicta. Per Dóminum nostrum.

Postcommunio.

Absolve, quæsumus Dómine, ánimam famuli tui ab omni vínculo delictórum: ut in resurrectiōnis glória, inter sanctos & electos tuos refuscitatus respiret. Per Dóminum.

Pro una defuncta.**O R A T I O.**

Quæsumus Dómine, pro tua pietate miserere animæ famulæ tuæ: & à contágiis mortalitatis exitam, in æternæ salvatiōnis partem restitue. Per Dóminum nostrum.

Secreta.

His sacrificiis, quæsumus Dómine, anima famulæ tuæ à peccatis omnibus exuatur, sine quibus à culpa nemo liber extitit: ut per hæc piæ placatiōnis officia, perpétuam misericórdiam consequatur. Per Dóminum.

Postcommunio.

Inveniat, quæsumus Dómine, anima famulæ tuæ lucis æternæ consórtium: cujus perpétuæ misericórdiæ consecuta est Sacraméntum. Per Dóminum nostrum.

Pro Patre & Matre Sacerdotis,**O R A T I O.**

Deus, qui nos patrem & matrem honorare præcepisti: miserere clementer animabus patris & matris meæ, eorúmque peccata dimitte: meque eos in æternæ claritatis gaudio fac videre. Per Dóminum nostrum.

Secreta.

Suscipe sacrificium, Dómine, quod tibi pro animabus patris & matris meæ offero: eisque gaudium sempiternum in regione vivorum concede: meque cum illis felicitati Sanctórum conjunge. Per Dóminum nostrum.

Postcommunio.

Cælestis participatio sacraménti, quæsumus Dómine, animabus patris & matris meæ réquiem & lucem obtineat perpétuam: meque cum illis grátia tua coronet æterna. Per Dóminum nostrum.

Si pro Patre tantum, vel Matre tantum, dicitur in singulari,

O R A T I O.

Deus, qui nos patrem & matrem honorare præcepisti: miserere clementer animæ patris mei

(vel

(vel matris meæ) ejusque peccata dimitte: meque eum (vel eam) in æternæ claritatis gaudio fac videre. Per Dóminum nostrum.

Secreta.

Suscipe sacrificium, Dómine, quod tibi pro anima patris mei (vel matris meæ) offero: eisque gaudium sempiternum in regione vivorum concede: meque cum illo (vel illa) felicitati Sanctórum conjunge. Per Dóminum.

Postcommunio.

Cælestis participatio sacraménti, quæsumus Dómine, animæ patris mei (vel matris meæ) réquiem & lucem obtineat perpétuam: meque cum illo (vel illa) grátia tua coronet æterna: Per Dóminum nostrum.

Pro defunctis fratribus, propinquis, & benefactoribus.

O R A T I O.

Deus, véniæ largitor, & humanæ salutis amator: quæsumus clementiam tuam, ut nostræ congregatiōnis fratres, propinquos, & benefactores, qui ex hoc sæculo transierunt; beata Maria semper Virgine intercedente cum omnibus

Sanctis tuis, ad perpétuæ beatitudinis consórtium pervenire concedas. Per Dóminum nostrum.

Secreta.

Deus, cujus misericórdiæ non est numerus, suscipe propitius preces humilitatis nostræ: & animabus fratrum, propinquorum & benefactorum nostrorum, quibus tui nominis dedisti confessiōnem; per hæc sacramenta salutis nostræ, cunctorum remissiōnem tribue peccatorum. Per Dóminum nostrum.

Postcommunio.

Præsta, quæsumus omnipotens & misericors DEUS: ut animæ fratrum, propinquorum & benefactorum nostrorum, pro quibus hoc sacrificium laudis tuæ obtulimus majestati; per hujus virtutem Sacraménti à peccatis omnibus expiata, lucis perpétuæ, te miserante, recipiant beatitudinem. Per Dóminum nostrum.

Pro his, qui in cœmeterio requiescunt.

O R A T I O.

Deus, cujus miseratiōne animæ fidelium requiescunt: famulis & famu-

lâbus tuis, & omnibus hic, & ubique in Christo quiescentibus, da propitius veniam peccatorum; ut à cunctis reatibus absoluti, tecum sine fine latentur. Per eundem Dominum nostrum Jesum Christum.

Secreta.

Pro animabus famulorum famularumque tuarum, & omnium catholicorum hic & ubique in Christo dormientium, hostiam, Domine, suscipe benignus oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dominum nostrum.

Postcommunio.

DEUS, fidelium lumen animarum, adesto supplicationibus nostris: & da famulis & famulabus tuis, quorum corpora hic & ubique in Christo requiescunt, refrigerii sedem, quietis beatitudinem, & luminis claritatem. Per eundem Dominum nostrum.

Pro pluribus Defunctis.**ORATIO.**

DEUS, cui proprium est misereri semper & parcere: propitiare animabus famulorum famularumque tuarum, & omnia eorum peccata dimitte; ut mortalitatis vinculis absolutæ, transire mereantur ad vitam. Per Dominum nostrum Jesum Christum.

Secreta.

Annue nobis, quæsumus Domine, ut animabus famulorum famularumque tuarum hæc profit ob-

latio: quam immolando, totius mundi tribuisti relaxari delicta. Per Dominum nostrum Jesum Christum.

Postcommunio.

DEUS, cui soli competit medicinam præstare post mortem: præsta quæsumus; ut animæ famulorum famularumque tuarum terrenis exitæ contagiis, in tuæ redemptionis parte numerentur. Qui vivis & regnas cum Deo Patre in unitate Spiritus.

Alia pro pluribus defunctis.**ORATIO.**

Animabus, quæsumus Domine, famulorum famularumque tuarum misericordiam concède perpetuam: ut eis proficiat in æternum, quod in te speraverunt & crediderunt: Per Dominum.

Secreta.

His, Domine quæsumus, placatus intende muneribus: & quod ad laudem tui nominis supplicantes offerimus, ad indulgentiam proficiat Defunctorum. Per Dominum nostrum JESUM Christum Filium tuum.

Postcommunio.

Supplices, Domine, pro animabus famulorum famularumque tuarum preces effundimus, obsecrantes: ut, quidquid conversatione contraxerunt humana, & clementer indulgeas, & in tuorum sede lætantium constituas redemptorum. Per Dominum nostrum Jesum Christum Filium tuum: qui tecum vivit & regnat in unitate.

RITUS**RITUS CELEBRANDI MISSAM PRO DEFUNCTIS.****EXCERPTA EX RUBRICIS GENERALIBUS.**

De his, que omittuntur in Missa pro Defunctis.

In Missa pro Defunctis ante Confessionem non dicitur Psalmus, **Judica me DEUS**: sed pronuntiata Antiphona, **Introibo ad Altare Dei**, & responso à ministro, **Ad Deum, qui latificat**, &c. dicitur **Adjutorium nostrum**, & **Confessio**, cum reliquis ut supra. Cum celebrans ad Altare incipit **Introitum**, non signat se, sed manu dextra extensa, facit signum Crucis super librum, quasi aliquem benedicens. Non dicitur **Gloria Patri**, sed post Psalmum repetitur, **Requiem æternam**; nec dicitur **Gloria in excelsis**, nec **Alleluja**, nec **Jube Domine benedicere**, nec **Dominus sit in corde meo**: nec osculatur librum in fine. Non dicitur **Credo**, non benedicitur aqua in Calicem fundenda; dicitur tamen Oratio, **Deus qui humanæ substantiæ**, &c. Cum lavat manus, in fine Psalmi, **Lavabo inter innocentes**, non dicitur, **Gloria Patri**. Ad **Agnus Dei**, non dicitur, **miserere nobis**, cujus loco dicitur: **dona eis requiem**, nec tercio, **dona nobis pacem**, cujus loco dicitur, **dona eis requiem sempiternam**. neque percutitur pectus. Non dicitur prima Oratio ante Communionem, scilicet, **Domine JESU Christe, qui dixisti Apostolis tuis**, &c. nec datur pax. In fine non dicitur, **Ite Missa est**. nec **Benedicamus Domino**, sed **Requiescant in pace**. Et non datur benedictio: sed dicto **Placeat**, & osculato Altari, dicitur ut supra, **In principio erat Verbum**, &c. alia omnia ut in aliis Missis.

In Missa solemnè non incensatur Altare ad introitum, & Subdiaconus finitâ Epistolâ non osculatur manum celebrantis, nec benedicitur: Diaconus non petit benedictionem, nec osculatur celebrantis manum: non tenentur luminaria ad Evangelium, nec portatur incensum,

sed duo tantum Acolyths sine candelabris stant unus à dextris, & alter à sinistris Subdiaconi tenentis librum Evangeliorum. Non incensatur liber, nec in fine celebrans; nec deferitur liber Evangeliorum osculandus. Oblata & Altare incensatur ut supra: incensatur solus celebrans; & non incensatur alii. Subdiaconus non tenet patenam post celebrantem: sed tempore elevationis Sacramenti genustexus in cornu Epistolæ illud incensat. Ministri cum aliquid porrigunt celebranti, in hac Missa non osculantur ejus manum, neque rem, que porrigitur.

Si distribuende sunt candelæ, distribuuntur post Epistolam, & accendantur ad Evangelium, ad elevationem Sacramenti, & post Missam, dum fit Absolutio. Si habendus est sermo, habeatur finitâ Missâ ante Absolutionem.

*Finitâ Missâ, si facienda est Absolutio, celebrans retrahit se ad cornu Epistolæ, ubi exiit Casula, & deposito Manipulo, accipit Pluviale nigrum. Subdiaconus medius inter duos Acolyths cum candelabris accensis, defert Crucem sicut in Processionibus, precedentibus duobus aliis Acolythis, uno cum Thuribulo & navicula incensi, alio cum vase aque benedictæ & aspersorio: sequitur celebrans, factâ prius Altari reverentiâ, & Diaconus à sinistris ejus. Subdiaconus cum Cruce sedit se ad pedes tumuli, seu lecticæ mortuorum contra Altare, medius inter dictos Acolyths tenentes luminaria: Celebrans verò ex alia parte in capite loci inter Altare & iumulum, aliquantulum versus cornu Epistolæ, ita ut Crucem Subdiaconi respiciat: à sinistris ejus Diaconus, & prope eum alii duo Acolyths deferentes Thuribulum, & vas aque benedictæ. Interim cantatur **V. Libera me Domine**. & circa illius finem celebrans ponit incensum in Thuribulum, benedicens illud more solito, ministrante Diacono naviculam: & finito **Kyrie eleison**, incipit intelligibili voce, **Pater noster**. & secretè proseguendo reliqua, accipit aspersorium de manu Diaconi, & factâ Altari reverentiâ, comitante eodem Diacono à dextris, & tenente simbriam anteriorem Pluvialis, circuiens tumulum, aspergit illum aqua benedicta, ter à parte dextra, & ter à sinistra. Cum transit ante Crucem, profundè inclinatur, Diaconus verò*

genusflectit : postea de manu ejusdem Diaconi accipit Thuribulum; & eodem modo, quo asperferat, incensat. Et rediens ad primum locum, Diacono tenente librum, junctis manibus dicit :

Ps. Et nē nos indūcas in tentatiōnem.
R. Sed libera nos à malo.
Ps. A porta inferi.
R. Erue Dōmine animam ejus.
Ps. Requiescat in pace.
R. Amen.
Ps. Dōmine exaudi oratiōnem meam.
R. Et clamor meus ad te veniat.
Ps. Dōminus vobiscum.
R. Et cum spīritu tuo.

O R E M U S.

Absolve, quæsumus Dōmine, animam famuli

tui **N.** ab omni vinculo delictōrum: ut in resurrectionis glōria, inter sanctos & electos tuos resuscitatus respiret. Per Christum Dōminum nostrum. **R.** Amen.

Deinde celebrans faciens Crucem manu dextra super tumulum, dicit **Ps.** Réquiem æternam dona ei Dōmine. **R.** Et lux perpétua luceat ei.

Et dicto per Cantores, Requiescant in pace, & **R.** Amen, præcedente Cruce redit cum aliis ad Sacramentum.

Si Officium fit pro pluribus Defunctis, omnia dicantur in numero plurali.

PRÆPARATIO AD MISSAM
 PRO OPPORTUNITATE
 SACERDOTIS FACIENDA

Antiphona.

NE reminiscaris Domine delicta nostra, vel parentum nostrorum: neque vindictam sumas de peccatis nostris.

Quæ Antiphona in Festis Duplicibus tantum duplicatur. Deinde dicuntur sequentes Psalmi.

Psalmus 83.



Uam dilecta tabernacula tua Domine virtutum! concupif-

cit & deficit anima mea in atria Domini.

Cor meum, & caro mea exultaverunt in Deum vivum.

Et enim passer invenit sibi domum: & turtur nidum sibi, ubi ponat pullos suos.

Altaria tua Domine virtutum: Rex meus, & DEUS meus.

Beati, qui habitant in domo tua Domine: in sæcula sæculorum laudabunt te.

Beatus

Beatus vir, cujus est auxilium abs te: ascensiones in corde suo disposuit, in valle lacrymarum, in locum quem posuit.

Et enim benedictionem dabit legislator, ibunt de virtute in virtutem: videbitur Deus deorum in Sion.

Domine DEUS virtutum exaudi orationem meam: auribus percipe DEUS Jacob.

Protector noster aspice Deus: & respice in faciem Christi tui:

Quia melior est dies una in atrii tuis: super millia.

Elegi abjectus esse in domo Dei mei: magis quam habitare in tabernaculis peccatorum.

Quia misericordiam & veritatem diligit Deus: gratiam & gloriam dabit Dominus.

Non privabit bonis eos, qui ambulant in innocentia: Domine virtutum beatus homo, qui sperat in te.

Gloria Patri.

Psalmus 84.

Benedixisti Domine terram tuam: avertisti captivitatem Jacob.

Remisisti iniquitatem plebis tuæ: operuisti omnia peccata eorum.

Mitigasti omnem iram tuam: avertisti ab ira indignationis tuæ.

Converte nos Deus salutaris noster: & averte iram tuam à nobis.

Numquid in æternum irasceris nobis: aut extends iram tuam à generatione in generationem?

Deus tu conversus vivificabis nos: & plebs tua lætabitur in te.

Ostende nobis Domine misericordiam tuam: & salutare tuum da nobis.

Audiam, quid loquatur in me Dominus Deus: quoniam loquetur pacem in plebem suam;

Et super sanctos suos: & in eos, qui convertuntur ad cor.

Verumtamen prope timentes eum salutare ipsius: ut inhabitet gloria in terra nostra.

Misericordia & veritas obviaverunt sibi: justitia & pax osculatæ sunt.

Veritas de terra orta est: & justitia de cælo prospexit.

K 2

Etenim

Etenim Dominus dabit benignitatem: & terra nostra dabit fructum suum.

Justitiã ante eum ambulabit: & ponet in via gressus suos. Gloria Patri.

Psalmus 85.

Inclina Domine aurem tuam, & exaudi me: quoniam inops, & pauper sum ego.

Custodi animam meam, quoniam sanctus sum: saluum fac servum tuum, Deus meus, sperantem in te.

Miserere mei Domine, quoniam ad te clamavi tota die: lætifica animam servi tui, quoniam ad te Domine animam meam levavi.

Quoniam tu Domine suaviss, & mitis: & multæ misericordiæ omnibus invocantibus te.

Auribus percipe Domine orationem meam: & intende voci deprecationis meæ.

In die tribulationis meæ clamavi ad te: quia exaudivisti me.

Non est similis tui in diis Domine: & non est secundum opera tua.

Omnes gentes quascum-

que fecisti, venient, & adorabunt coram te Domine: & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me Domine in via tua, & ingrediar in veritate tua: lætetur cor meum, ut timeat nomen tuum.

Confitebor tibi Domine Deus meus in toto corde meo, & glorificabo nomen tuum in æternum:

Quia misericordia tua magna est super me: & eruisisti animam meam ex inferno inferiori.

Deus, iniqui insurrexerunt super me, & Synagoga potentium quæsierunt animam meam, & non proposuerunt te in conspectu suo.

Et tu Domine Deus miserator & misericors, patiens, & multæ misericordiæ, & verax.

Respice in me, & miserere mei, da imperium tuum puero tuo: & saluum fac filium ancillæ tuæ.

Fac mecum signum in bonum, ut videant, qui oderunt me, & confundantur:

quo-

quoniam tu Domine adjuvisti me, & consolatus es me. Gloria Patri.

Psalmus 115.

Credidi, propter quod locutus sum: ego autem humiliatus sum nimis.

Ego dixi in excessu meo: omnis homo mendax.

Quid retribuam Domino, pro omnibus, quæ retribuit mihi?

Calicem salutaris accipiam: & nomẽ Domini invocabo.

Vota mea Domino reddam coram omni populo ejus: pretiosa in conspectu Domini mors Sanctorum ejus.

O Domine, quia ego servus tuus: ego servus tuus, & filius ancillæ tuæ.

Dirupisti vincula mea: tibi sacrificabo hostiam laudis, & nomen Domini invocabo.

Vota mea Domino reddam in conspectu omnis populi ejus, in atriis domus Domini, in medio tui Jerusalem. Gloria Patri.

Psalmus 129.

De profundis clamavi ad te Domine: Domine exaudi vocem meam. Fiant aures tuæ intendentes, in vocem deprecationis meæ.

Si iniquitates observaveris Domine: Domine quis sustinebit?

Quia apud te propitiatio est: & propter legem tuam sustinui te Domine.

Sustinuit anima mea in verbo ejus: speravit anima mea in Domino.

Acustodia matutina usque ad noctem, speret Israël in Domino.

Quia apud Dominum misericordia: & copiosa apud eum redemptio.

Et ipse redimet Israël, ex omnibus iniquitatibus ejus. Gloria Patri, & Filio.

Deinde repetitur Antiphona.

Nè reminiscaris Domine delicta nostra, vel parentum nostrorum: neque vindictam sumas de peccatis nostris.

Postea Sacerdos dicit.

Kyrie eleison. **C**hriste eleison.

Kyrie eleison. **P**ater noster. **V.** Et nè nos inducas in tentationem. **R.**

Sed libera nos à malo. **V.** Ego dixi, Domine miserere mei. **R.** Sana animam meam, quia peccavi tibi. **V.**

Convertere Domine aliquantulum. **R.** Et deprecare super servos tuos.

V. Fiat misericordia tua Domine super nos. **R.** Quemadmodum speravimus in te. **V.** Sacerdotes tui induantur justitiam. **R.** Et Sancti tui exultent. **V.** Ab occultis meis munda me Domine. **R.** Et ab alienis parce servo tuo. **V.** Domine exau-

di orationem meam. *R.* Et clamor meus ad te veniat. *V.* Dominus vobiscum. *R.* Et cum spiritu tuo.

OREMUS.

Aures tuæ pietatis, mitissime Deus, inclina precibus nostris, & gratiâ sancti Spiritûs illumina cor nostrum: ut tuis mysteriis dignè ministrare, teque æterna charitate diligere mereamur.

DEUS, cui omne cor patet, & omnis voluntas loquitur, & quem nullum latet secretum: purifica per infusionem sancti Spiritûs cogitationes cordis nostri: ut te perfectè diligere, & dignè laudare mereamur.

Ure igne sancti Spiritûs renes nostros, & cor nostrum, Domine: ut tibi casto corpore serviamus, & mundo corde placeamus.

Mentes nostras, quæsumus Domine, Paraclitus, qui à te procedit, illuminet: & inducat in omnem, sicut tuus promisit Filius, veritatem.

Adsit nobis, quæsumus Domine, virtus Spiritûs sancti: quæ & corda nostra clementer expur-

get, & ab omnibus tueatur adversis.

DEus, qui corda fidelium sancti Spiritûs illustratione docuisti: da nobis in eodem Spiritu recta sapere, & de ejus semper consolatione gaudere.

Conscientias nostras, quæsumus Domine, visitando purifica: ut veniens Dominus noster Jesus Christus Filius tuus, paratam sibi in nobis inveniat mansionem. Qui tecum vivit & regnat in unitate Spiritûs sancti DEUS, per omnia sæcula sæculorum. Amen.

ORATIONES

dicendæ cum Sacerdos induitur sacerdotalibus paramentis.

Cum lavat manus, dicat:

DA Domine, virtutem manibus meis ad abstergendam omnem maculam: ut sinè pollutione mentis & corporis valeam tibi servire.

Ad Amictum, dum ponitur super caput, dicat:

Impone, Domine, capiti meo galeam salutis, ad expugnandos diabolicos incurfus.

Ad Albam, cum eâ induitur.

Dealba me, Domine, & munda cor meum: ut in Sanguine Agni dealbatus, gaudiis perfruar sempiternis.

Ad

Ad Cingulum, dum se cingit.

PRæcinge me, Domine, cingulo puritatis, & extingue in lumbis meis humorem libidinis: ut maneat in me virtus continentiae, & castitatis.

Ad Manipulum, dum imponitur brachio sinistro.

Merear, Domine, portare manipulum fletûs, & doloris: ut cum exultatione recipiam mercedem laboris.

Ad Stulam, dum imponitur collo.

Redde mihi, Domine, stulam immortalitatis, quam perdi in prævaricatione primi parentis: & quamvis indignus accedo ad tuum sacrum mysterium, merear tamen gaudium sempiternum.

Ad Casulam, cum assumitur.

Domine, qui dixisti, jugum meum suave est, & onus meum leve: fac, ut istud portare sic valeam, quod consequar tuam gratiam.

GRATIARUM ACTIO
POST MISSAM.

Antiphona.

Trium puerorum cantemus hymnum: quem cantabant sancti in camino ignis, benedicentes Dominum.

Quæ Antiphona in Festis Duplicibus tantum duplicatur.

Canticum trium puerorum.

Benedicite omnia opera Domini Domino: laudate, & superexaltate eum in sæcula.

Benedicite Angeli Domini Domino: benedicite cœli Domino.

Benedicite aquæ omnes, quæ super cœlos sunt, Domino: benedicite omnes virtutes Domini Domino. **B**enedicite sol & luna Domino: benedicite stellæ cœli Domino.

Benedicite omnis imber & ros Domino: benedicite omnes Spiritus Dei Domino.

Benedicite ignis & æstus Domino: benedicite frigus & æstus Domino.

Benedicite rores & pruina Domino: benedicite gelu & frigus Domino.

Benedicite glacies & nives Domino: benedicite noctes & dies Domino.

Benedicite lux & tenebræ Domino: benedicite fulgura & nubes Domino.

Benedicat terra Dominum: laudet, & superexaltet eum in sæcula.

Benedicite montes & colles Domino: benedicite universa germinantia in terra Domino.

Benedicite fontes Domino: benedicite maria & flumina Domino.

L 2

Bene-

Benedicite cete, & omnia quæ moventur in aquis, Domino: benedicite omnes volucres cœli Domino.

Benedicite omnes bestię & pecora Domino: benedicite filii hominum Domino.

Benedicat Israël Dominum: laudet, & superexaltet eum in sæcula.

Benedicite Sacerdotes Domini Domino: benedicite servi Domini Domino.

Benedicite spiritus & animæ justorum Domino: benedicite sancti & humiles corde Domino.

Benedicite Anania, Azaria, Misaël Domino: laudate, & superexaltate eum in sæcula.

Benedicamus Patrem & Filium cum sancto Spiritu: laudemus & superexaltemus eum in sæcula.

Benedictus es Domine in firmamento cœli: & laudabilis, & gloriosus, & superexaltatus in sæcula.

Psalmus 150.

Laudate Dominū in sanctis ejus: laudate eum in firmamento virtutis ejus.

Laudate eum in virtutibus ejus: laudate eum secundum multitudinem magnitudinis ejus.

Laudate eum in sono tubæ: laudate eum in psalterio, & cithara.

Laudate eum in tympano, & choro: laudate eum in chordis, & organo.

Laudate eum in cymbalis bene sonantibus: laudate eum in cymbalis jubilationis: omnis spiritus laudet Dominum. **Gloria Patri, &c.**

Deinde repetitur Antiph.

Trium puerorum cantemus hymnum: quem cantabant sancti in camino ignis, benedicentes Dominum.

Deinde Sacerdos dicit:

Kyrie eleison. **C**hriste eleison. **K**yrie eleison. **P**ater noster. **V.** Et nē nos inducas in tentationem. **R.** Sed libera nos à malo. **V.** Confiteantur tibi Domine omnia opera tua. **R.** Et sancti tui benedicant tibi. **V.** Exultabunt sancti in gloria. **R.** Lætabuntur in cubilibus suis. **V.** Non nobis, Domine, non nobis. **R.** Sed nomini tuo da gloriam. **V.** Domine exaudi orationem meam. **R.** Et clamor meus ad te veniat. **V.** Dominus vobiscum. **R.** Et cum spiritu tuo.

O R E M U S.

Deus, qui tribus pueris mitigasti flammam ignium: concede propitius; ut nos famulos tuos non exurat flamma vitiorum.

Actiones nostras, quæsumus Domine, aspirando præveni, & adjuvando prosequere: ut cuncta nostra oratio & operatio à te semper incipiat, & per te cœpta finiatur.

Da nobis, quæsumus Domine, vitiorum nostrorum flammam extinguere; qui beato Laurentio tribuisti tormentorum suorum incendia superare. Per Christum Dominum nostrum. **R.** Amen.

Decretum ex Mandato Clementis XI. Año 1714. Rubricis Missalis Romæ editi, additum.

Missæ pro Defunctis, sive de Requiem, in festis duplicibus, contra præscriptum Rubricarum Missalis Romani, nullatenus celebrari debent: quod si ex benefactorum institutione Missæ hujusmodi celebrandæ incidant in festum duplex, tunc ne dilatio animabus suffragia expectantibus detrimento sit; in aliam diem non impeditam minime transferantur, sed dicantur de festo currenti cum applicatione Sacrificii juxta mentem eorundem benefactorum. Die 8. Augusti 1662. approbata à felicis recordationis Alexandro VII.



OPRAWĘ WYKONANO
w prac. introl.-konserwat.
Biblioteki „Ossolineum”
Data *6.12.86* *J. Delimata*

